

## मैं हौं कै दीवनी नाचूँ चुनरीया

मनै ले लिया भगमा बाणा री,  
ईब पिया टोहवण जाणा री,  
तेरा घर छोड़ कै री माँ,  
मैं हौं कै दीवनी नाचूँ चुनरीया ओड कै री माँ,

मैं दुनिया फिर फिर हारी,  
मनै ना मिल्या मेरा मुरारी,  
ईब छोड़ कै दुनिया दारी री,  
मैं जोगण बणने जारी ,  
ना आऊं बोड़ कै री माँ,  
मैं हौं कै दीवनी नाचूँ चुनरीया ओड कै री माँ,

मेरे रोम रोम में बस्या री,  
मेरे दिल का दीप चस्या री,  
चढ्या उसके प्यार का नशा री,  
होई पागल आली दशा री ,  
मैं जां मुख मोड़ कै री माँ,  
मैं हौं कै दीवनी नाचूँ चुनरीया ओड कै री माँ,

गुरु सागर पार लगावै,  
जन्म मरण के फंद छुडवावै,  
यो सुरेश भाणा गावै,  
मनै प्यार के गीत सुणावै,  
नये छंद जोड़ कै री माँ ,  
मैं हौं कै दीवनी नाचूँ चुनरीया ओड कै री माँ,  
<https://youtu.be/j0p-s6aVots>

<https://www.bhajanganga.com/bhajan/lyrics/id/10403/title/main-ho-ke-diwani-naachu-chunariyan-od-ke-ri-maa>

अपने Android मोबाइल पर [BhajanGanga](#) App डाउनलोड करें और भजनों का आनंद ले |